

皇朝通志

皇朝通志卷四十六

禮略十一

賓禮

臣等謹按鄭樵通志賓禮一門惟列三恪二王後一條序山陽陳留零陵介國鄒公之事規制庫陋不足垂爲典禮我○朝○○○列聖加禮勝代至隆極渥超軼前古雍正元年

世宗憲皇帝諭朕近於○○○聖祖仁皇帝所遺書冊中檢得未經頒發○○○諭旨以明太祖崛起布衣統一方夏經文緯武爲漢唐宋諸君之所未及其後嗣亦未有如前代荒淫暴虐亡國之跡欲大廓成例訪其支派一人量授官爵以奉春秋陳薦仍世襲之朕伏讀之下仰見我○○○聖祖仁皇帝天覆海涵深仁大度超軼萬古遠邁百王朕思史紀東樓詩歌白馬商周以來無不推恩前代後世類多疑忌以致歷代之君宗祀殄絕朕仰體○○○聖祖如天之心遠法隆古盛德之事謹將○○○聖祖所遺○○○諭旨頒發訪求明太祖支派子姓一人量授爵秩俾之承襲以奉春秋祭饗大學士卽會同廷臣詳明妥議以副○○○聖祖仁皇帝寬仁矜恤之至意旋遵奉議上明代後裔有鑲白旗見任直隸正定府知府朱之璉乃明太祖第十三子代簡王嫡派奉○○○旨授爲一等侯爵世襲授爵之後遣往江寧祭明太祖陵一次祭畢回○京往昌平州祭明十三陵一次嗣後每年春秋二次致祭至於明陵所在○○○列聖以來疊加修整防護乾隆五十年○○○皇上親幸長陵不惜百萬帑金○○○降旨諸陵皆如制修葺優禮前代○○○曠典特頒誠無取於賓恪之虛文爲也恭讀

御製新樂府二王後詩云三恪二王古有云受禪征伐說徒紛魏晉以降更以假不修實德修空文元之瀛國明崇禮雖加封爵未聞延至奕世享隆恩○○○天命○○○天聰肇東土○○○順治奄有中外建極尊然實取之流寇並非取之勝國者豈於明之後裔有所慙德而當待以賓○○○康熙有成命○○○雍正舉以遵遂求朱氏之裔賜以通侯俾世守其祀而弗渥則我○○○祖宗興滅繼絕之意超往代詎如李唐周旋周武隋文之子孫煌煌○○○聖謨昭示○○○本朝成法垂訓萬古茲輯通志鄭氏三恪二王後一條應從刪去而明著大義於簡端至賓禮之大者藩服朝貢之制鄭志皆闕畧未載謹考周禮大行人掌賓客之禮儀九州以外謂之蕃國各以其貴實爲贊我○國家聲教暨訖四荒來賓徼外山海諸國典之禮部百餘年來○○○敕封燕賓諸典儀文詳洽爰遵○○○大清通禮之例輯爲賓禮至漠南內扎薩克暨喀爾喀扎薩克青海西藏諸部暨西域回部外藩諸朝貢儀節載於會典理藩院編謹詮次大畧著於篇中以彰○○○聖朝賓服

無外之盛軌而百官士民相見之儀附載其畧於後

朝貢

凡四夷屬國按期修職貢遣其陪臣齎表文方物來朝○京師貢使將入境朝鮮以禮部通官二人迎於○盛京鳳凰城安南琉球緬甸暹羅荷蘭蘇祿南掌諸國貢道所經之省督撫遣佐貳雜職官一人迎於邊界西洋以內務府司官及西洋人供職欽天監者各一人迎於廣東皆給以郵符經過地方有司供其次舍廩餼車舟夫馬沿途營汛遞遣官軍防護以達於○京畿禮部豫行工部修飾館舍備器用薪炭戶部給粟米芻豆光祿寺給牲魚酒漿蔬果之屬既至提督會同四譯館鴻臚寺少卿飭屬延接入館以時稽其人衆均其飲食貢使就館翼日檢其方物表文貢使暨從官各服本國朝服以俟禮部儀制司官設表案於堂上正中黎明館卿朝服率貢使詣部由左角門入恭竣階下之左正使奉表在前副使次之從官在後鴻臚寺贊跪貢使以下皆跪贊接表正使舉表館卿恭接以授禮部侍郎侍郎受表陳於案正中復位贊叩興正使以下行三跪九叩禮與序班引退館卿率以出儀制司送表內閣竣○○命下禮部以方物分納所司貢使上表訖恭遇大朝常期○○皇帝御太和殿百官行禮畢序班引貢使暨從官詣丹墀西班末○○賜坐○○賜茶如儀若不遇朝期禮部謹日奏請○○召見館卿豫戒貢使及通事官習肄禮儀至日率貢使服其國公服通事補服詣○宮門外祇候○○皇帝御便殿領侍衛內大臣內大臣侍衛左右侍立如常儀禮部尚書一人蟒袍補服引貢使入通事隨入至丹墀西行三跪九叩禮畢引由西階升至○殿門外跪○○皇帝降○○旨慰問禮部尚書承傳通事轉諭貢使貢使對詞通事譯言禮部尚書代奏禮畢興引自西階降出引退如待以優禮是日○○皇帝御便殿侍衛如前議政大臣暨八旗大臣咸蟒袍補服入○殿按翼侍立禮部尚書引貢使至丹墀西行三跪九叩禮興引由西階升入○殿右門立右翼大臣之末通事隨入稍後立○○皇帝有○○旨賜坐領侍衛內大臣內大臣議政大臣八旗都統副都統禮部尚書就立位一叩序坐貢使跪叩坐乃○○賜茶尚茶進○○皇帝茶衆跪叩侍衛偏授大臣及貢使茶咸跪受一叩坐飲畢跪叩如初○○皇帝降○○旨慰問貢使晚聆荅奏皆禮部尚書承傳通事譯言如前儀禮畢禮部尚書引貢使出至朝房承○○旨賜貢使尚方飲食訖館卿率以退翼日黎明領赴○午門外謝○○恩鴻臚寺傳贊貢使行三跪九叩禮如儀退朝貢禮畢禮部疏請○○頒賜國王並燕資使臣及其從官從人既得○○旨移諸司供備翼日所司陳○○賜物於午門外道左皮幣布帛白金陳於案馬陳於庭鞍轡具

惟朝鮮貢使館卿朝服率貢使暨從

官各服其國朝服由東長安門○天安門○端門至西朝房前東面序立祇候禮部侍郎以下衆官序立鳴贊贊齊班序班引貢使至西丹墀門以次序立北面東上贊行三跪九叩禮畢主客司官奉頒給國王○賜物前授貢使貢使跪受轉授從人乃以次頒貢使及從官從人○賜物主客司捧授各跪受訖贊行三跪九叩禮興引退館卿率貢使及從官從人出○賜宴於禮部如儀畢皆退事竣貢使將回國光祿寺備牲酒果蔬禮部侍郎一人詣館舍筵燕如儀朝鮮南掌仍以迎接官伴送出境安南琉球緬甸暹羅荷蘭蘇祿禮部奏○遣司官一人伴送西洋以原迎官二人給郵符沿途俱館舍舟車飲食官軍防護如初來禮至貢道所經省會○賜燕司道一人主之儀與禮部燕同督撫大吏別遣官送出境自京伴送官以事竣復○命於朝凡貢道朝鮮由鳳凰城琉球由福建荷蘭由廣東後改由福建緬甸由雲南安南由廣西太平府西洋由廣東暹羅由廣東蘇祿由福建南掌由雲南凡貢期朝鮮每年進貢一次並○聖節元旦冬至三大節爲四貢同進琉球二年一次荷蘭八年一次後改爲五年一次安南三年一次後改爲六年一次暹羅三年一次南掌五年一次後改爲十年一次蘇祿五年一次凡貢物各將其國之土物非土產者勿進朝鮮安南琉球緬甸蘇祿南掌皆貢有常物西洋暹羅無常貢惟其所獻或輸內移府或入武備院或納鑾儀衛或留於○盛京及邊省各付所司備用有因事慶賀及謝○恩加貢者庫儲寶子如常儀其方物則留充正貢之數凡從人朝鮮貢使從書狀官一人大通官三人護貢二十四人有賞從役三十人無賞從役無常數琉球西洋暹羅蘇祿貢舟無過三每舟人無過百赴京無過二十安南緬甸南掌人貢人無過百赴京無過二十其不起京者留於邊境邊吏廣儲之埃使回至邊率之歸國敕封外國

凡朝貢之國世子嗣位權攝國事遣其陪臣請○命於朝禮部疏○聞得○旨報可工部製○節內閣撰○敕均送禮部禮部奏○遣正副使各一人持○節齋○敕往封朝鮮封使以內大臣禮部滿侍郎內閣滿學士侍衛充服色儀從各從其品安南琉球以翰林院侍讀侍講編修檢討六科給事中禮部郎中員外郎主事內閣中書充○特賜一品麒麟服儀從皆視一品啟行之日工部給龍旗御仗牌繖兵部給乘傳防護官軍皆候於禮部大門內禮部儀制司官設案於堂上正中陳○節於左陳○敕於右尚書侍郎二人於案左右立儀制司官二人隨其後均朝服封使朝服詣部至堂中跪儀制司官一人奉○節一人奉○敕各授尙書侍郎以授正副使皆恭接以輿出儀門外官軍接奉加節衣負○敕書乘馬行旗仗前導使者易征衣乘傳偕行封使人所封國境其國邊吏俱

備館傳夫馬所經之地文武官出郊跪接如迎○詔書之儀將及國嗣封國王遣其陪臣出郊迎接○敕書勞使者
飾館舍供帳於國門之外備龍亭香亭旗仗鼓樂祇候於館別屏於王殿上設案於正中前設香案均南向設國王受封
位於香案南拜位於受封位之南設眾官拜位於庭內東西皆北面贊禮二人位國王拜位之北引禮二人位贊禮之南
引班四人位眾官拜位之北皆東西面樂陳於門內儀仗陳於庭中皆左右分列使者既及國迎接官迎至館恭設○
節○敕於龍亭內馳報國王王率其國陪臣朝服郊迎接官以龍亭行香亭旗仗鼓樂前導使者乘馬從國王以下
咸跪候過與隨入國門至府龍亭入中門升階陳於正中使者及階下馬從升執事者脫節衣奉○節授正使前行奉
○敕授副使隨行入殿使者陳○節○敕於中案皆退立案東宣讀官列於使者之後引禮引國王就拜位北面
引班引眾官均就拜位北面立贊禮贊跪國王率陪臣皆跪贊叩興國王以下行三跪九叩禮與國王進至受封位前贊
禮贊跪國王跪副使進奉○敕書付宣讀官西面展讀訖以○敕書授國王國王祇受轉授從官跪接以興副使復
位國王三叩興退至拜位前復行三跪九叩禮與率其陪臣出埃門外正使奉○節詣龍亭執事者加節衣陳於亭昇
出使者隨出國王以下跪送使者以○節詣館國王乃易常服適館勞使者揖讓行禮畢退饗燕致饗饋如儀及歸奉
其陪臣跪送○節於國門外如初迎禮使者回○朝以事竣復○命還○節並○賜服於所司使者既還○朝
王乃修表文具方物遣其陪臣詣○闕謝○恩廩餼燕資均如常朝貢之儀若外夷歸誠利奉○朝命者禮部奏請○
○命正副使持○節齋○敕印往封儀與前同若荒遠阻絕之區以○敕書授來使齋回儀制司官設案於○午
門外甬道上正中陳○敕尙書一人立案左儀制司官隨其後鴻臚寺鳴鑾一人立甬道左右均朝服館卿率來使朝
服入至西丹墀內祇候鳴贊贊授○敕序班詣案前北面贊跪來使跪儀制司官一人奉○敕授尙書以授來使來
使恭接授從官興退詣丹墀之西贊行三跪九叩禮畢乃恭齋回國以授其國王遣使詣○闕謝○恩如儀
科爾沁等扎薩克朝貢

國家肇基東土威德遠播漠南蒙古諸部落或誼屬戚昵或有勲績或率先歸附咸奉其土地人民比於內臣設官分職
與內八旗無異每歲分班○朝覲修貢唯謹秋月應從○行圍各依班次○朝見燕饗○賜予舍館饗饋之禮成典
維昭咸隸於理藩院王會司詳見○大清會典其貢道科爾沁扎賴特杜爾伯特郭爾羅斯由山海關土默特喀喇沁
放漢奈曼扎魯特阿魯科爾沁翁牛特喀爾喀左翼由喜峯口烏朱穆沁巴林阿霸垓齊齊哈爾納爾克什克騰由
獨石口四子部落蘇尼特毛明安喀爾喀右翼由張家口吳喇忒歸化城土默特鄂爾多斯由殺虎口來朝班次分爲三

班周而復始歲以十二月十有五日後二十五日前成集王以下均行三跪九叩禮奉○制書亦如之親王郡王貝勒貝子公在宗室親王郡王貝勒貝子公之下一二等台吉在內大臣之下其次爲子又其次爲三等台吉又其次爲都統又其次爲四等台吉又其次爲副都統又其次爲參領佐領其男以下雲騎尉以上各依品級序班凡貢物每旗進羊一羴乳酒一垠以歲除日新正十四日十五日各○賜燕一次餘日五旗王府各設燕一次自王貝勒以下至長史護衛等官咸與焉凡賞資廩給牧芻路費均有常制

喀爾喀青海西藏朝貢

國初蒙古北部喀爾喀三汗同時納貢厥後朔漠蕩平庇我宇下與漠南諸部落等承平以來懷柔益遠北遡瀚海西經羌荒青海厄魯特西藏準噶爾之地咸入版圖朝貢皆有常制其貢道喀爾喀四部厄魯特土爾扈特由張家口獨石口喜峯口青海由西寧西藏由四川之打箭爐喀爾喀等○朝覲分爲四班青海亦分爲四班貢期各如其朝覲之班西藏則間歲一貢附達賴喇嘛以進貢物喀爾喀厄魯特以駝馬湯羊土爾扈特青海以藏香氈毯西藏有佛像金經銀塔五色帕入吉祥之屬朝覲燕饗賞資廩廩牧芻與漠南內扎薩克諸部落同

西域外藩朝貢

我○○皇上聖武丕昭既平定準噶爾凡天山以南回部素爲準夷所羈屬者如解倒懸歸仁恐後厥後逆回負○○恩構亂○○天戈所指臣服彌遠版圖所隸拓地二萬餘里今自嘉峪關而外舊部若哈密若闐展吐魯番新疆若哈喇沙爾若庫車若沙雅爾若賽喇木若拜若阿克蘇若烏什若喀什噶爾若葉爾羌若和闐若布星羅同屬內地至土爾扈特遠隔俄羅斯境感慕○○皇仁挈其部屬三萬餘衆越數萬里之遠誠心歸順○○皇上撫綏安集俾恬居樂業等於內土齊民於是四衛拉特咸依化宇分班○朝貢職有成規乃至伊犁以外葱嶺以西麟集仰流而至者遠抵西海則有若哈薩克左右部布魯特東西部安集延瑪爾喀朗霍罕那木干塔什千巴達克山博羅爾愛烏罕奇齊玉斯諤爾根齊諸部落皆重譯輸誠遣使○朝貢列爲西域之外藩各以其輸款來○京之先後○○召見賞資或○○賜宴於瀛臺或○○賜宴於熱河○行宮俾得與觀燈火與觀○○大閱各授以○○敕書遣貢使齎表回國其貢期或間年或三年無常期其貢物芻刀馬匹各以其國之所有寶服之盛遠託記澤猗歟盛已相見儀

國初定王公以下內外職官士民相見之儀其目曰宗室外藩親王相見曰宗室外藩郡王相見曰宗室外藩貝勒相見曰宗室外藩貝子公相見曰京官敵體相見曰在京屬官見長官曰國學師弟子相見曰直省官敵體相見曰直省文官見長官曰直省武職見長官曰直省官見學政鹽政曰京府官屬相見曰直省文武官相見曰直省滿漢官相見曰直省學校師弟子相見曰賓友相見曰受業弟子見師長曰卑幼見尊長辨等威愼禮度各有恒式其儀並見○○大清通禮

皇朝通志卷四十七

禮畧 十二

凶禮

臣等謹按鄭樵通志凶禮門列大喪及山陵制至朋友相爲服諸目內如天子弔大臣服天子爲大臣及諸親舉哀諸侯及公卿大夫爲天子服皇太后長公主及三夫人以下爲天子服杖四條皆綜括於典禮中初不必另述爲條目至如挽歌秀孝爲舉將服郡縣吏爲守令服師弟子相爲服朋友相爲服五條皆因時設義不必垂爲定制茲謹畧諸目惟述○本朝典制之大者載於篇中恭惟我○朝以純孝治天下○○○列聖○○○列后大事定行三年之喪一切禮儀斟酌古今慎重賅備歷稽古昔未有若斯之盡禮盡哀者謹依會典通禮所載序○○○列聖大喪儀○○○列后大喪儀而○皇貴妃以下喪儀○皇子以下喪儀以次序列至服制之設通行於天下者誠爲盡倫盡制經常不易之恒典謹附著於篇末以昭成法焉

列聖大喪儀

凡○○○列聖大喪初喪○○○嗣皇帝就主喪位冠去緯哭踊宮中自○○○皇后以下咸摘耳環去首飾屆時恭奉○○○梓宮奉安於○宮中正殿設几筵建丹旒於宮門之左陳法駕鹵簿於宮門之外至○○○太和門外○○○特簡王公大臣恭理喪儀既歛乃奠王公以下民公侯伯子男以上二品官於○乾清門外三品以下文武有頂帶官於○景運門外○○○皇后○○○妃○○○嬪宮人公主○○○皇子○○○皇孫福晉及近支王公福晉夫人於○○○凡筵殿內諸王公福晉夫人郡主縣君以上二品夫人於丹墀右三品敕人以下於○隆宗門外齊集哭臨皆男摘冠緯女去首飾奠獻時皆隨行禮舉哀畢各退○○○皇帝成服截髮辨居倚廬○○○皇子○○○皇孫隨成服截髮辨居宮中別室王公百官宗室巖羅戚成服截髮辨旗員居○闕左門外漢員於各官署○○○皇后率○○○妃嬪等成服翦髮○○○皇子○○○皇孫福晉隨成服翦髮諸王福晉命

婦及內府三旗官員護軍等妻咸成服翦髮○皇帝行三年喪禮百日內○上諭用藍筆百日後素服○御門聽政○○○郊○○壇大祀祭服行禮詣○○○几筵前仍喪服詣○皇子○皇孫及恭理喪儀王公大臣○○○殯宮守衛執事各官百日除服羣臣二十七日除服咸百日薤髮奏疏文移二十七日內皆用藍印京朝官一十七月不作樂期年不嫁娶在京軍民人等二十七日素服百日不作樂一月不嫁娶願○○○遺詔於天下直省官期年不作樂百日不嫁娶不薤髮軍民去冠緯素服二十七日百日不作樂一月不嫁娶成服後朝晡日中三設奠朝夕奠設法駕鹵簿三日後至一月設鑾駕鹵簿每奠王公百官咸齊集質明○○皇上出倚廬詣○○○几筵前東立西嚮舉哀迺啟○宮門恭理喪儀王大臣及執事官率尚茶尚膳舉茶膳由中門中路進至○○○几筵前尚茶跪進茶內外齊集眾咸跪○○皇帝親舉茶恭奠於茶几行一拜禮眾皆隨行禮尚茶徹茶眾皆與次尚膳進膳○○皇帝親上食畢執事官進奠凡於正中○○皇帝詣几前跪進爵王大臣跪進爵○○皇帝祭酒三爵每祭行一拜禮眾皆隨行禮與迺徹饌出闔門眾哀止○○皇帝還倚廬眾皆退午奠晡奠儀同諷日行殷奠禮王公百官公主福晉命婦咸齊集所司陳設○○皇帝詣○○○几筵前視饌上食舉哀讀祝官奉祭文至闕外正中北面跪禮部堂官二人跪展祭文進奠凡○○皇帝於几前跪眾於齊集處跪哀暫止讀文畢仍復於案退眾舉哀迺進爵○○皇帝祭酒三爵每祭行一拜禮眾隨行禮舉哀畢徹俎豆讀祝官奉祭文禮部堂官前引侍臣奉冠服自殿陞內大臣十人前引恭送燎所○○皇帝舉哀隨行詣燎所內大臣侍衛扈從齊集王公百官咸從○○皇帝於燎所祭酒三爵行禮舉哀眾隨舉哀行禮畢○○皇帝還倚廬迺焚冠服楮帛眾各退諷日而殯先期以奉移○○梓宮祇告○○○几筵行啟奠禮禮儀與殷奠同至日奉移○○○梓宮於○○○殯宮豫爲大昇輦於○景運門外屆時○○皇帝詣○○○几筵舉哀執事官進奠凡○○皇帝祭酒三爵恭理喪儀王公大臣鑾儀衛工部堂官率校尉恭進小舉奉○○○梓宮出登大昇輦禮部尚書祭饗焚楮帛內大臣祭所經門橋皆三祭酒每祭行一叩禮焚楮帛○○皇帝步送王公百官各以次隨行○○皇后率○○妃嬪等先詣○○○殯殿後左旁恭候○○○靈駕至行奉安禮○○皇帝祭酒舉哀眾隨行禮舉哀畢焚楮帛丹旒各退以側殿爲苦次二十七日後○○○還居倚廬行初祭禮設法駕鹵簿於○○○殯宮大門外陳設畢○○皇帝親詣上食祭酒如前儀翼日釋祭遣官行禮如儀行大祭禮與初祭儀同翼日釋祭如儀周月讀文致祭與殷奠同王公九卿及文武官承○○旨恭擬○○○尊諭○○○廟號進呈○○○御覽○○○敕所部製玉○○○冊寶香○○○冊寶絹○○○冊寶緞吉恭行上

○○尊諡禮前期遣官祇告○○天○○地○○太廟後殿○○奉先殿○○社稷至日設鹵簿於○○宮大門外陳設畢○○皇帝素服御太和門恭閱○○冊寶畢行一跪三拜禮退立東旁大學士詣案前一跪三叩恭奉○○冊寶降階陳於各黃亭跪叩如前校尉昇亭御仗黃蓋前導王以下入八分以上齊集○○協和門外○○冊寶亭至候過隨行○○皇帝還宮易喪服豫詣○○殯宮側殿祇奠贊引太常卿二人恭導○○皇帝由左門入贊奏就位○○皇帝就位立贊跪拜興○○皇帝率羣臣行三跪九拜禮興奏跪○○皇帝率羣臣跪興儀奏進○○冊大學士詣案奉○○冊跪獻於左○○皇帝受○○冊拱舉授禮部堂官跪接興奉安於案三叩退進○○寶由右儀亦如之迺宣○○冊宣○○寶○○皇帝率羣臣行三跪九叩禮迺奠帛讀祝三獻爵如儀禮成恭奉祝帛絹○○冊絹○○寶送燎所由中道出○○皇帝轉立拜位旁西嚮候過復候燎牛奏禮成○○皇帝還宮衆皆退翼日頒○○詔天下百日莫獻儀與初祭同既卜葬吉奉移○○山陵前期遣官祇告○○天○○地○○太廟○○社稷前奉移一日行祖奠禮儀與啟奠同祭畢焚蠶駕鹵簿至日執事官陳大昇輦於○○殯宮大門外設○○梓宮亭於階下○○皇帝詣○○梓宮前舉哀祭酒三爵衆隨行禮畢○○皇帝先至大門東旁立候奉移○○梓宮出跪候過步隨行○○梓宮登大昇輦禮部尚書祭饗三祭酒行三叩禮畢焚棺帛○○靈駕發○○冊寶亭及騎駕鹵簿咸前列沿途分站豫設○○蘆殿繚以黃幔城○○皇帝步送至郊○○皇太后以下亦先往祇奠王公大臣官員侍衛內監等隨舉所過門橋道內大臣祭酒焚棺帛○○靈駕將至宿次○○皇帝率王公百官舉哀跪迎○○靈駕安奉於蘆殿迺行哺奠如儀奠畢○○皇帝還行宮衆皆退翼日昧爽行朝奠如儀○○皇帝跪送啟行步送里外仍先詣宿次如儀等謹按○○孝聖憲皇后大喪○○皇上恭奉○○梓宮至○○泰東陵路經○○泰陵之東清晨○○皇上先展謁○○泰陵次詣○○泰東陵閱視工程畢豫至○○泰陵分路處候○○梓宮至暫停○○皇上於道旁躬代向○○泰陵展叩行禮畢再奉啟行先是會典未有此禮禮臣亦未經議及○○皇上孝思隆篤禮以義起垂爲萬世法守因○○敕部載入會典通行

至○○陵日守○○陵貝勒公大臣官員咸於十里外舉哀跪迎○○靈駕至○○隆恩門外降大昇輦安奉○○梓宮於○○隆恩殿○○皇帝祭酒三爵衆隨行禮畢哀是日遣官祭告各○○陵寢並祭○○后土○○皇陵山神翼日行饗奠禮儀如祖奠

臣等謹按聖憲之禮舊稱遣奠載於會典乾隆四十二年○○皇上恭奉○○孝聖憲皇后山陵之禮率

諭造字義涉輕忽稱用殊不安於心因○命儒臣稽所自昉大學士等覆奏遺奠之稱禮經並無明文惟見於孔穎達士喪禮疏唐以後相沿用之蓋穎達第用儀禮葬日將行苞牲體之車名爲遣車遂取遣字爲莫名牽合無當復考儀禮將行之祭徹巾苞牲鄭康成注云象既饗而歸賓俎也又禮記雜記云大饗既饗卷三牲之俎歸於賓館所以爲哀也鄭注云既饗歸賓俎言孝子哀親之去也是將行之祭原用饗禮舊稱遣奠似不若作饗奠爲長既與鄭注相合稱名亦理得心安並請○敕部更正從之謹識於此以著饗奠稱名之所自始焉

天葬前期行遷奠禮儀如饗奠恭理喪儀王大臣等率夫校進小舉奉移○梓宮於○寶城前蘆殿恭奉○梓宮登龍輜進饌筵○皇帝祭酒三爵衆隨行禮舉哀畢○駕還行宮衆皆退至日○皇上詣○梓宮前祭酒屆吉時恭移龍輜自隧道入○地宮安奉寶牀設香○冊寶於左右几遂掩閉○元宮○皇帝於方城前舉哀祭酒行禮畢卒哭出至幄次易吉服王公百官咸采服禮部堂官奏請○皇帝詣○隆恩殿行題○主禮○皇帝入殿左門就拜位立大臣一人啟殯奉○神主設於題主案大學士二人朝服詣案東行一跪三叩禮興就位西嚮恭題○神主畢大臣奉○主安於○寶座三叩退迺行虞祭禮○皇帝就拜位王公百官各就拜位上香奠帛讀祝三獻爵送燎均如儀禮成鑾儀衛堂官率校尉黃輿設階上正中南嚮太常卿跪奏恭請○神位升附○太廟○皇帝詣○寶座前行一跪三拜禮恭奉○神主奉安黃輿內行一跪三拜禮興內大臣十人大學士禮部堂官導引啟行○皇帝率王以下各官於大門外跪候過先詣塗次黃幄祇謁沿途朝夕奠○皇帝親詣上香行三跪九拜禮還京升附○太廟期年小祥讀又致祭張黃幄於○皇陵方城前陳俎豆列饌筵於祭臺左右○皇帝喪服詣黃幄內奠獻隨往之王公百官咸於○陵寢門外隨行禮舉哀與前祖奠同再期大祥儀與期年同二十七月行除服禮○皇帝喪服於○皇陵方城前行奠獻禮儀與百日奠獻同祭畢除服三周行禮儀同再期

列后大喪儀

凡○○列后大喪○○聖子皇帝上喪儀初喪恭奉○○梓宮奉安於○宮中正殿設几筵建丹旒於宮門外之右陳儀駕於宮門外○○皇帝成服翦髮辮諸王福晉爲子婦者皆成服翦髮○○皇太后宮中女侍內監皆成服翦髮截髮辮既斂王以下及嫺戚於宮門外三品官以下於外門之外福晉以下及嫺戚婦女於丹墀右三品淑人以下於宮

門外齊集舉哀奏疏文移十五日用藍印頒○○遺詔於天下內外各官二十七日除服百日不作樂不嫁娶軍民二十七日不作樂不嫁娶皆百日薙髮朝晡日中之奠進茶膳以女官恭理喪儀王公大臣內務府總管率之內監轉進於○○皇帝親奠殷奠既徹僉女官奉冠服詣燎所福晉命婦內府婦女皆從○○欽命公主福晉或嫗戚大臣夫人一人於燎所祭酒行禮將葬隨行有女侍及內府婦女餘皆如○○列聖喪儀凡○○皇后大喪○○皇帝主喪儀初喪○○皇帝冠去緯輟朝○○皇子去冠服哭踊宮中自○○妃嬪以下咸摘耳環首飾屆時奉安○○梓宮於○○宮中正殿設几筵建丹旒於宮門外之右陳輿駕於宮門之外○○特簡王公大臣恭理喪儀既斂適奠○○皇帝成服○○皇子福晉以下咸成服○○皇帝縞素十三日而除兩月後○○御門聽政○○郊○○壇大祀祭服行禮○○親臨○○几筵前素服視奠恭遇○○皇太后○○皇帝躬詣○○几筵○○皇太后乘輿由中門中道至櫺下降輿○○皇帝乘輿由中門中道至階上降輿○○皇子喪服百日餘日素服詣○○几筵肅仍喪服○○皇子福晉亦如之○○皇孫恭理喪儀王公大臣及○○殯宮守衛執事各官及嫗戚百日除服羣臣二十七日除服皆百日薙髮十三日內各衙門文移用藍印奏本用硃印內外官員二十七日不作樂不嫁娶皆百日薙髮外省以喪日起算不認到日起算軍民素服七日不作樂不嫁娶成服後朝晡日中三設奠○○皇子出苦次詣○○几筵前西嚮舉哀行禮如儀訖日行殷奠禮○○皇帝親臨上食畢讀祝官奉祭文至闕外正中跪○○皇子衆皆跪哀暫止讀文畢執事進奠凡○○皇帝旁坐祭酒三爵每祭○○皇子行一叩禮衆隨行禮如儀訖日而殯先期以奉移告○○几筵行啟奠禮與殷奠同至日奉移○○梓宮於○○殯宮○○皇帝親臨祭酒三爵○○靈駕至○○殯殿行奉安禮設几筵陳○○冊寶○○皇子祭酒衆隨行禮如儀行初祭禮翼日釋祭如儀行大祭禮翼日釋祭儀同周月奠獻儀與啟奠同承○○旨恭擬○○諭號○○敕工部製○○冊寶識吉行○○冊諡禮前期遣官祇告○○太廟後殿○○奉先殿至日陳設○○皇帝素服詣太和門陞座○○閱冊寶畢○○皇帝還宮正副使恭奉○○冊寶詣○○殯宮宣○○冊宣○○寶畢陳於○○几筵左右○○皇子上香奠帛讀祝三獻爵如儀禮成正副使復○○命翼日頒○○詔天下百日奠獻儀同初祭既卜葬吉奉移前三日遣官祇告○○天○○地○○太廟○○社稷奉移前期一日行祖奠禮儀與啟奠同至日○○皇帝親詣○○梓宮前祭酒三爵不往送祭酒時○○皇子行禮衆隨行禮畢○○靈駕發○○冊寶亭及儀駕咸前列沿途分站豫設○○盧殿線以黃幔城○○皇子王公以下隨行○○靈駕至宿次奉安○○盧殿適行晡奠如儀翼日昧爽行朝奠如儀至○○發喪安

奉○梓宮於○饗殿○皇子祭酒三爵衆隨行禮舉哀是日遣官祭告各○陵寢並祭○后土○皇陵山神翼日行饗奠禮儀如初奠先葬一日行遷奠禮儀如饗奠至時恭奉○梓宮於○寶城前蘆殿○皇子三祭酒至日○皇子詣○梓宮前祭酒恭移龍輅自隧道入○地宮安奉寶牀設香○冊寶於左右几遂掩閉○元宮○皇子祭酒舉哀迺卒哭各退行題○主禮既陳設大學士三人朝服行一跪三叩禮興恭題○神主禮畢迺行虞祭禮如儀禮成恭奉○神主奉安黃輿導引啟行沿途仍朝夕奠俟還京時升祔如距大葬之期尙遠迺於○殯宮東廡製○神主○欽命大學士二人至○凡筵前行題○主禮期年小祥讀文致祭禮儀與初奠同再期大祥儀與期年同二十七月行除服禮○皇子喪服奠獻與百日禮同祭畢除服三周行禮儀同再期

皇貴妃以下喪儀

凡○皇貴妃喪禮初奠○皇帝輟朝五日素服十日若殯期逾十日及殯而止○命所出皇子公主持服如儀內閣擬謚號候○欽定諱日行○冊謚禮如儀凡○貴妃喪禮○皇帝輟朝五日○妃喪禮○皇帝輟朝三日○嬪喪禮○皇帝輟朝二日餘禮節並如儀凡○○皇祖○○皇考妃嬪薨各按封號以治喪追封者視所追封之號治喪皆如儀

皇子以下喪儀

凡○皇子喪禮未分封之○皇子薨逝適長者○皇帝輟朝五日已生子者○皇子福晉及所生○皇孫並成服如儀如奉○旨追封擇吉行追封禮奉○冊寶宣讀如儀凡親王薨喪○聞○○皇帝輟朝三日有○特恩親臨者王子率合屬官員跪迎於大門外設○御座於左有司設奠凡○○皇帝坐祭酒三爵舉哀畢○○駕興王子率屬跪送如初迎儀王子以下府屬官本支諸王以下應有服者皆成服○諭祭二次○賜謚如儀世子薨喪○聞○○皇帝輟朝二日○賜謚○賜給初祭大祭羊酒如儀郡王薨喪○聞○○皇帝輟朝二日貝勒薨○○皇帝輟朝一日及貝子以下鎮國公輔國公皆○賜謚○賜給羊酒如儀民公以下兵民以上居喪二十七月內不燕會不鼓樂不娶妻納妾門戶不換舊符

服制

凡服制有五曰斬衰三年曰齊衰杖期不杖期五月三月曰大功九月曰小功五月曰緦麻三月服之差等有八曰斬衰

三年者子為父母子之妻同子為繼母父之慈母 謂妾子無母父後妻 命他處養之者養母自幼過房與人者子之妻同庶子為適母為所生母庶子之

妻同為人後者為所後父母為人後者之妻同女在室為父母已嫁被出而返在家者同適孫為祖父母及高曾祖父母

承重適孫之妻同為人後者妻為夫妾為家長同日齊衰杖期者適子為庶母 謂父妾 有子者適子為妻同子為嫁母

謂親生母父子為出母 謂親生母父 夫為妻 父母在 適孫祖在為祖母承重日齊衰不杖期者祖為適孫父母為適長子

及眾子父母為適長子之妻父母為女在室者父母為子為人後者繼母為長子眾子子為改嫁繼母謂父已從之者從

子為伯叔父母及姑在室者為己之親兄弟及姊妹在室者為親兄弟之子及女在室者孫為祖父母孫女為祖父母雖

適人不降庶孫為生祖母慈母養母孫同女出嫁為父母為人後者為其本生父母仕者解任士子 考丁憂一年 女在室及雖適人而無夫與

子者為其兄弟姊妹及兄弟之子兄弟之女在室者女適人為兄弟之為父後者婦為夫親兄弟之子及女在室者妾為

家長之父母妾為家長之正妻妾為家長之長子眾子與其所生子為同居繼父兩無大功以上親者曰齊衰五月者為

曾祖父母女孫雖適人不降曰齊衰三月者為高祖父母女孫雖適人不降為繼父先同居今不同居者自來不同 居者無服為同

居繼父兩有大功以上親者曰大功九月者祖為眾孫及孫女在室者祖母為適孫眾孫及孫女在室者生祖母為庶孫

母同慈母養母 父母為眾子婦及女之已嫁者 其子婦同伯叔父母為從子婦及兄弟之女已嫁者為人後者為其兄弟及姊妹

姊妹在室者夫為人後其婦為夫本生父母為己之同堂兄弟及姊妹在室者為姑及姊妹之已嫁者為兄弟之子為人後

者女出嫁為本宗伯叔父母及兄弟與兄弟之子為姑姊妹及兄弟之女在室者婦為夫之祖父母為夫之伯叔父母曰

小功五月者為伯叔祖父母謂祖之為同堂伯叔父母 謂父兄弟之為同堂姊妹之出嫁者為再從兄弟及再從姊妹在室者

為同堂兄弟之子及女在室者為祖姑之在室者謂祖之為堂姑之在室者 謂父之同 堂姊妹為兄弟之妻祖為適孫之婦為兄

弟之孫及兄弟之孫女在室者為外祖父母為母之兄弟姊妹為姊妹之子及女之在室者為人後者為其姑及姊妹之

已嫁者婦為夫兄弟之孫及孫女在室者婦為夫之姑及夫之姊妹在室出 婦為天之兄弟及夫兄弟之妻婦為夫同堂

兄弟之子及女之在室者女出嫁為本宗姊妹之出嫁者為本宗堂兄弟及堂姊妹之在室者曰總麻三月者祖為眾孫

婦曾祖父母為曾孫曾孫女高祖父母為元孫元孫女祖母為適孫眾孫婦為乳母為曾伯叔父母為族伯叔祖父母為

族伯叔父母為族兄弟及族姊妹在室者為曾祖姑在室者為族祖姑及族姑在室者為兄弟之曾孫及曾孫女在室者

為兄弟之孫女出嫁者為同堂兄弟之孫及孫女在室者為再從兄弟之子及女在室者為祖姑謂祖之 親姊妹及堂姑 堂姊妹

及己之再從姊妹出嫁者為同堂兄弟之女出嫁者為父姊妹之子為母兄弟之子為母姊妹之子為妻之父母為壻為

外孫及外孫女爲兄弟孫之妻爲同堂兄弟子之妻爲同堂兄弟之妻婦爲夫高曾祖父父母爲夫之伯叔祖父母及夫之
祖姑在室者爲夫之堂伯叔父母爲夫之堂姑在室者爲夫之同堂兄弟及同堂兄弟之妻爲夫之同堂姊妹在室出爲
夫之再從兄弟之子及女在室者爲夫同堂兄弟之女出嫁者爲夫同堂兄弟子之妻爲夫同堂兄弟之孫及孫女在室
者爲夫兄弟孫之妻爲夫兄弟之孫女出嫁者爲夫兄弟之曾孫及曾孫女之在室者女出嫁爲本宗伯叔祖父母及祖
姑在室者爲本宗同堂伯叔父母及堂姑在室者爲本宗堂姊妹之出嫁者爲本宗堂兄弟之子及女在室者

皇朝通志卷四十八

諡畧一

臣等謹按諡法始于成周歷代因之各有增損鄉樵作諡畧列爲二百有十品前後繫以諸論考核纂詳臣等恭讀
○御製詠諡法詩案語○嘉許鄭樵成周初無惡諡之論○聖訓煌煌昭如日月洵千古諡法之折衷也伏攷前
代議諡多委太常博士諸臣定之往往失當未有如○本朝諡典之悉稟○上裁斟酌盡善者洪惟○列祖
○列宗聖德神功○列后徽音令德昭融顯懿卓躋前古書之史冊允矣熙○鴻號于萬年至若諸王貝勒及
內外大臣之例得請者禮臣先以應否于諡奏俟得○旨後問臣擬以四字恭候○欽定迴非前代議諡議聚訟
糾紛者比又有以文臣品學而追諡者有以監司守令盡節而獲諡者又如改正前史之失追諡勝國之君皆爲○特
典我○○世祖章皇帝定鼎之初卽下所司定明季甲申諸臣之諡○○皇上表彰忠烈復○○特頒諭旨于故明
殉節諸臣分析褒獎○○賜以令諡尤爲從古未有之曠典臣等敬謹纂輯諡畧八卷用備考稽昭掌故焉

列聖尊諡

肇祖原皇帝○○興祖直皇帝○○景祖翼皇帝○○顯祖宣皇帝俱順治五年十一月追尊恭上

崇德元年四月丙戌○○太宗文皇帝率諸貝勒大臣詣○○太廟追尊○○始祖爲○○澤土○○高祖

爲○○慶王○○曾祖爲○○昌王○○祖爲○○福王順治五年十一月戊辰以奉○○四祖入

○○廟○○世祖章皇帝親詣○○太廟追尊爲○○肇祖原皇帝○○興祖直皇帝○○景祖翼皇帝○○

○○顯祖宣皇帝恭上○○冊○○寶

太祖承天廣運聖德神功肇紀立極仁孝膺武瑞毅欽安弘文定業高皇帝乾隆元年三月恭加上

崇德元年四月丙戌○○○太宗文皇帝率諸貝勒大臣詣○○○太廟恭上○○○覆育列國英明皇帝○○○尊諡日○○○承天廣運聖德神功肇紀立極仁孝武皇帝○○○廟號○○○太祖康熙元年四月丙辰恭加上○○○尊諡日○○○太祖承天廣運聖德神功肇紀立極仁孝睿武弘文定業高皇帝雍正元年八月己酉恭加上○○○端毅二字乾隆元年三月乙巳恭加上○○○欽安二字

康熙六十一年十二月

世宗憲皇帝諭禮部曰朕仰荷○○○祖宗眷佑繼承大統恭上○○○皇考聖祖仁皇帝○○○尊諡敬念○○○太祖高皇帝○○○太宗文皇帝○○○世祖章皇帝○○○三聖相承○○○功高德盛載考典章加上○○○尊諡因念○○○孝莊太皇太后翼運啟期育成○○○兩帝朕在冲齡備膺○○○慈愛○○○孝康皇太后誕育○○○先皇○○○懿徽流慶○○○孝惠皇太后德隆福厚篤愛朕躬朕意亦宜並加○○○尊諡但追尊固出至情而推崇必遵定禮爾等可稽考載籍酌古準今會同確議具奏俾朕得稍展思慕之誠又念○○○仁孝皇后作配○○○皇考孝敬寬仁坤儀懋著○○○孝昭皇后恪恭溫順樹範宮闈○○○孝懿皇后徽音淑德慈撫朕躬恩勤備至均應恭上○○○尊諡以昭示萬年爾等一併會同詳察典例擬奏遵○○○旨議上○○○太祖高皇帝尊諡於○○○睿武字下加○○○端毅二字雍正元年八月己酉恭上○○○冊○○○寶雍正十三年九月乙巳

皇上諭禮部曰尊○○○祖孝○○○親誼應並重報本追遠禮有加隆茲者恭上○○○皇考大行皇帝尊諡輻維詒燕之謨宜備追崇之典○○○太祖高皇帝○○○太宗文皇帝肇造洪基創垂大業○○○世祖章皇帝統一方夏撫有萬邦駿烈鴻猷敷揚莫罄○○○皇祖聖祖仁皇帝深仁厚澤淪浹寰區久道化成功齊覆載朕自冲齡仰蒙○○○慈愛○○○宮庭撫育厚眷獨鍾仰思○○○至德之難名恆念○○○洪恩之莫報夫宗廟之徽稱有制而報本之忱悃無窮應詳查典禮酌古準今恭議加上○○○太祖○○○太宗○○○世祖○○○聖祖尊諡以展孝思此朕追慕之至情崇先之特典後世子孫不得奉為成式又敬念○○○列祖尊諡既已加崇○○○列后尊諡並應恭議加上兩部詳酌典禮一併敬謹具奏遵○○○旨議上○○○太祖高皇帝尊諡於○○○端毅字下加○○○欽安二字乾隆元年三月乙巳恭上○○○冊○○○寶

太宗應天興國弘德彰武寬溫仁聖睿孝敬敏昭定隆道顯功文皇帝

乾隆元年三月恭加上

順治元年十月辛酉恭上○○○寬溫仁聖皇帝○○○尊諡日○○○應天興國弘德彰武寬溫仁聖睿孝文皇帝○○○廟號○○○太宗康熙元年四月丙辰恭加上○○○隆道顯功四字雍正元年八月己酉恭加上○○○敬敏二

聖祖體天隆運定統建極英睿欽文顯武大德弘功至仁純孝章皇帝

聖祖仁皇帝諭禮部曰朕惟自古聖賢之君必有顯號徽稱用昭功德之隆垂千萬世此國家不易之鉅典也仰惟我○○○皇

彝倫典學日新修身思永制禮作樂振武崇文敕法明刑立綱陳紀盛德之事不一而足朕方與天下臣民均切怙戴不幸

行皇帝尊諡議曰謹案自古有天下者祖有功而宗有德故凡勳高大定功垂奕業者類皆稱祖以尊之其廟祀百世弗

治立極于人倫德固懋昭功尤隆著是以化行教洽遠至邇安生民以來莫斯爲盛臣等謹咨羣議載考臧章○○○大

○ ○ ○ 旨是著該衙門擬撰冊文進覽
○ ○ ○ 二月癸酉恭奉
○ ○ ○ 冊
○ ○ ○ 上
○ ○ ○ 尊諡
○ ○ ○ 雍正元年八月己酉恭加上

聖祖合天弘運文武膺哲恭儉寬裕孝敬誠信中和功德大成仁皇帝

世宗憲皇帝諭王大臣等曰朕惟自古聖賢之君必有顯號徽稱以昭功德之盛垂千萬世此國家不易之鉅典也仰惟我○○

兩宮尊養兼至展敬○陵○廟備物盡誠總覽萬幾阜成兆姓調賦勤益千萬賑恤曾不稽時水旱先籌雨

而兩河底績魯郊○○○特幸行數千年之殊禮屈○○○帝尊而九拜崇師覽奏牘而利樊周知觀臣僚而賢愚立辨保全

勳舊庇蔭宗支廣育人才敦厚風俗布昭○○○聖武申討不庭元裔背叛而旋踵就戮三孽逆命而刻期獻誠俄羅斯占喀

爾喀之疆圉諭以威德卽奉約章喀爾喀逼厄魯特之殘暴納其困窮胥登衽席噶爾丹肆毒鄰境三臨絕漠掃靖烽烟策安

阿喇布坦擢滅與國出師命將恢復藏地臺灣置郡紅苗安心朔東西無思不服至于○○○天縱生知日新好學講筵時御○○○手定六經廣博士于五賢配先儒于十哲文嬈二典書邁百家貫徹天文總括地理旁羅數術考正元聲研索羣編鑒裁繁輯凡此難名之美善洵亙古帝王首出之○○○一人雖復累牘連章不能紀述萬一朕方與天下臣民均切怙戴不意○○○龍馭上賓顧予冲人嗣膺大統仰承○○○佑啟之恩敢後顯揚之禮敬考藝章宜升○○○尊諡兩部詳察典禮具奏乙巳總理事務王大臣等奏○○○大行皇帝○○○尊諡○○○廟號乃追崇大典臣管窺蠡測未能仰盡高深恭祈○○○睿思○○○親定以昭垂萬世

世宗憲皇帝召進總理事務王大臣大學士尙書等○○○面諭曰恭上○○○皇考大行皇帝○○○尊諡○○○廟號諸王大臣等請朕親定朕思子臣尊崇○○○君父之心何有止極然必須至允至當方千秋定論若少有溢美之詞不獨失天下之至公且開後人之僭越是因臣子之愚思愚孝反將○○○君父盛德大業之實行涉于贊頌之虛文朕心殊不安也我○○○皇考大行皇帝續繼大統舊典本應稱宗但經云祖有功而宗有德我○○○皇考鴻猷駿烈冠古轍今拓宇開疆極於無外且六十餘年○○○手定太平德洋恩溥萬國來王詢繼統則爲守成論勳業則實爲開創朕意宜崇○○○祖號方副○○○豐功但追崇大典攸關理宜僉謀共協一人之心卽千萬人之公心一時之論卽千萬世之公論爾諸王大臣等可會同九卿詹事科道文六品以上武四品以上詳考舊章從公確議毋得依違毋得附和務期紀實以垂萬年若少有幾微未協知而不言則大非臣子忠愛之道王等文武諸臣議奏○○○大行皇帝功德煥煥高出三代以上之聖主賢君雖集古今之微名美號猶不足表揚萬一○○○大行皇帝聖學淵深言成謨典臣尊師崇道○○○手定六經禮正樂成誕敷文教此堯之文思也聲靈所震無思不服開拓宇宙混同車書不庭旋服逆命卽收止戈包革天下宴安此湯之神武也明四目達四聰無遠不周無微不燭知來藏往觀化窮神此舜之滑哲也一日萬幾孜孜無倦深宮燕處不敢康寧盛暑必衣冠嚴冬必聽政此堯之允恭也玉食不盈數器御衣常至十年物用無金璧之襲宮殿無繁華之飾此禹之克儉也蠲賦免徭緩刑恤獄澤厚宗支賞優士伍秉中和之性具含容之量小過多原寸長不棄六十餘年民物各遂其生者皆○○○大行皇帝寬裕之恩也定省○○○兩宮時日無間奉養備至禮數兼隆此○○○大行皇帝承歡之大孝也恢○○○三朝之功烈宏大統之規模區夏咸寧聲教四洽此○○○大行皇帝繼述之大孝也寅畏小心恪勤克慎○○○躬親○○○郊祀嚴肅致齋此○○○大行皇帝之敬○○○天也憲章典訓對越○○○在○○○天○○○廟祭致虔如臨左右此○○○大行皇帝之敬○○○